

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj : 65 0 I 1069866 23 I
Sarajevo, 05.12.2025. godine

Općinski sud Sarajevo i to sudija Dženana Škaljić u pravnoj stvari tražioca izvršenja Drvodom d.o.o Sarajevo ul. Bačići broj 12 zastupan po punomoćniku Edin Hodžić, advokat iz Tuzle, protiv izvršenika A.M. iz Vogošće, radi izvršenja prodajom pokretnih stvari izvršenika, van ročišta dana 05.12.2025. godine, donio je slijedeći

ZAKLJUČAK

I Utvrđuje se da je vrijednost putničkog motornog vozila vlasništvo izvršenika marke Citroen, registarske oznake ..., broj šasije ZAR..., Godina proizvodnje 2007, popisanog u zapisniku sudskog izvršitelja o pljenidbenom popisu od 11.09.2024. godine, procijenjene tržišne vrijednosti u iznosu od 5.041,40 KM u nalazu i procjeni od 15.10. 2025. godine sudskog vještaka za oblast vještačenja mašinstva, Nijaz Arnautović iz Sarajeva.

Određuje se prvo ročište za prodaju putničkog, motornog vozila izvršenika usmenim javnim nadmetanjem **koje će se održati u Općinskom sudu Sarajevo ul. Šenoina broj 1 - Odjel sudskih izvršitelja, soba broj 454/IV, za dan petak 30.01.2026. godine u 10,00 sati.**

II Na prvom ročištu za javno nadmetanje pokretne stvari se ne mogu prodati ispod $\frac{1}{2}$ utvrđene vrijednosti. Početne ponude za prvo ročište na iznos manji od $\frac{1}{2}$ vrijednosti neće biti razmatrane.

III Kupac je dužan platiti cijenu u roku od 8 dana od dana prodaje. Ako to ne učini, drugi ponuđač biće proglašen kupcem i platiće cijenu koju je on ponudio i tako redom. U slučaju da nijedan ponuđač sa odgovarajućom ponudom ne plati cijenu, sud će na zahtjev jedne od stranaka objaviti da prvo ročište za prodaju nije uspjelo a stranka može u roku od 8 dana od dana održavanja neuspjelog ročišta tražiti zakazivanje novog ročišta. U protivnom, sud će obustaviti postupak.

IV U javnom nadmetanju kao kupci mogu učestvovati samo osobe koje su prethodno dala osiguranje koje iznosi $\frac{1}{10}$ od procijenjene vrijednosti pokretne stvari. Osobe koje sudjeluju u javnom nadmetanju dužne su prije početka ročišta predati sudu uplatnice da je osiguranje položeno na depozitni račun Općinskog suda u Sarajevu broj 1411965320009639 kod BBI banke d.d. Sarajevo, sa naznakom broja predmeta. Ponuđačima čija ponuda nije prihvaćena osim za tri najbolja ponuđača, vratiće se osiguranje odmah nakon zaključenja javnog nadmetanja.

V Nalaže se sudskom izvršiocu ovog suda da provede javno nadmetanje prodajom pokretnih stvari navedenih u stavu I ovog zaključka.

VI Ovaj zaključak će se objaviti na oglasnoj tabli ovog suda a stranke mogu o svom trošku zaključak o prodaji objaviti u sredstvima javnog informisanja.

Sudija
Dženana Škaljić s.r

POUKA: Protiv ovog zaključka nije dozvoljen pravni lijek.